

壞之意舉念何難積疊愆尤咸希懺悔

天尊言起心者意有善有非報德酬愆有禍有禍譬如聲響其應如何言凶則氣應聲和則意悅汝等男女咸自思惟敬信為先莊嚴是首如能悔過須慕正真勤發道心廣禮經懺即得存亡獲福生死蒙恩稍懇投誠至心懺悔爾時

元始天尊時遊十方世界放大光明照諸國土與虛皇道君分身下界安坐碧霞神光寶座為普救真人演說十方男女因緣事畢寂絕影響不知所之普救真人及諸男女等追慕傷嗟叩頭禮拜謹依演示次第修行遂得善信男女街恩洗雪死者蒙祐昇上天堂生者獲恩常居樂土遂使陰陽和順國家清寧螭飛乘普度之功蛛動賴生成之惠於是三塗五苦餓鬼孤魂悉得超生皆歸解脫人天仰荷蒙

國依憑稽首
十方常住三寶
太上慈悲九幽拔罪懺卷之十

太上慈悲道場滅罪水懺卷上中下 木十一

爾時元始天尊在大羅天上玉京金闕紫微天臺大會羣仙敷揚妙法救度天人咸使悟道不歷諸苦施大威力放大光明普照萬國一切罪福俱在目前甚深微妙方便開度一切地獄窮魂苦毒無量痛楚難言並蒙救拔不溺沈淪咸得超度是時

元始天尊慈悲廣演更開要道使過去未來俱需利益再告左右侍真曰人之稟生同資一氣及乎誕育命係三元天壽吉凶富貴貧賤因緣罪福善惡生死各逐夙命根源悉有報應隨其業力求不差殊如影隨形似聲應谷每年三元之日三元官屬與三界十方四司五帝善惡童子一切靈官上朝

金闕元始御前考校男女生死之籍罪福因緣及九幽地獄水府窮魂姓名業簿此時若有善信男女能發自然道意建造紫微寶臺玉京寶山樓閣臺榭百寶粧嚴香花供養燒香行道吟誦洞章然燈放生步虛法事布施發願謝過上章大建齋醮虔告天地晝夜不

怠者三皇當遣十方天尊真人詣天神仙三界四司救苦靈童下降人間齊到道場為其滅罪保佑生人使國土安寧男女歡泰眾善齊降諸惡不生地獄苦魂一時解脫竟生天上快樂無為功德巍巍復福無量慈尊言正月十五日上元天官主錄百司上詣天闕進呈世人罪福之籍今日道場懺主某是故回向上元天界一切高真啟依啟神啟身啟命大慈大悲無上天尊

至心朝禮 玉清元始天尊
至心朝禮 福生無量天尊
至心朝禮 消災解厄天尊
至心朝禮 延壽益算天尊
至心朝禮 長生保命天尊
至心朝禮 紫清降福天尊
至心朝禮 八卦護身天尊
至心朝禮 九宮捍厄天尊
至心朝禮 高真妙果天尊
至心朝禮 十方靈寶天尊
從此已上禮念天尊聖號乞懺其自從無始

以來至於今日師資父母六親眷屬三業所為六根所造是故身貪細滑意起虛妄眼觀惡色耳聽邪音鼻好惡香舌貪滋味心生嫉妬口出穢言如是等罪無量無邊今日虔誠感乞懺悔次復回向

上元天界一切高真皈依皈神皈身皈命大慈大悲無上天尊

至心朝禮 青靈始老天尊

至心朝禮 丹靈真老天尊

至心朝禮 皓靈皇老天尊

至心朝禮 五靈玄老天尊

至心朝禮 玄靈元老天尊

至心朝禮 嚴淨法惠天尊

至心朝禮 應感威力天尊

至心朝禮 無畏梵形天尊

至心朝禮 大智惠海天尊

至心朝禮 無量法藏天尊

從此已上禮念天尊聖號乞懺悔某自從無始以來至於今日師資父母六親眷屬無量無邊殺生之罪或殺猪羊牛馬雞犬鵝鴨或殺

飛禽走獸水族魚鱗蠢動含靈一切物命或扶持疾病淫祀鬼神殺害眾生或遊獵好戲耕田掘地養蠶煮繭放火放水燒糞掃地殺害眾生或飲酒食肉或作醬鮓焚樵露燈熱湯潑地殺害眾生或生分子母斷其胎育或殺胎卵或殺眾生命無頭數或殺債主冤家四方良善或因爭競欺妬攘取劫奪殺害或因征戰讒佞方便殺害或用邪教埋名釘字呪詛殺害或為官法枉殺人命或圖他財寶證人入死或奪人妻子爭人夫婦遂成殺害或對

天地日月虛空廟社之所殺害或上引祖先以為盟誓殺害或男婚女嫁吉凶聚會生男誕女接奉親朋非時作樂艷色好淫眠花卧柳殺害無數遂使怨氣遍滿虛空如是殺害等罪無量無邊今日虔誠感乞懺悔次復回向

上元天界一切高真皈依皈神皈身皈命大慈大悲無上天尊

至心朝禮 大慈萬善天尊

至心朝禮 玄微自在天尊

至心朝禮 無邊明覺天尊

至心朝禮 慈和妙寶天尊

至心朝禮 端嚴威力天尊

至心朝禮 昭明上照天尊

至心朝禮 法橋大度天尊

至心朝禮 弘通保命天尊

至心朝禮 開顯妙門天尊

至心朝禮 護魂慈救天尊

從此已上禮念天尊聖號乞懺悔某自從無始以來至於今日七祖九玄師資父母存亡二世一切眷屬無量偷盜之罪或偷盜天尊形像三寶種種財物或偷盜慈親種種財物或偷盜富貴貧賤種種財物或偷盜國家庫藏輸貢科斂官錢財物或偷盜妻妾男女良賤財物如是偷盜等罪無量無邊今日虔誠感乞懺悔次復回向

至心朝禮 流光法喜天尊

至心朝禮 威聖化九天尊

至心朝禮 洞靈慈念天尊

至心朝禮 慈惠緣成天尊

至心朝禮 增益聖智天尊

至心朝禮 功德嚴淨天尊

至心朝禮 混成長樂天尊

至心朝禮 寶光善寂天尊

至心朝禮 相光自在天尊

至心朝禮 金真度命天尊

從此已上禮念天尊聖號乞懺某自從無始以來至於今日存亡二世一切眷屬無量姪怨之罪或不避虛空日月星辰之下行諸姪怨或不避井窰門戶社廟官觀聖跡之所行諸姪怨或六親通同行諸姪怨或姪犯骨肉或染汚出家欺凌貞潔捉人殘害奪人恩愛行諸姪怨或不顧老少穢亂羈迷愚癡不返如是邪姪愛怨等罪無量無邊今日虔誠感乞懺悔次復回向
上元天界一切高真皈依神啟身啟命
大慈大悲無上天尊
至心朝禮 清微天帝天尊

至心朝禮 禹餘天帝天尊

至心朝禮 大赤天帝天尊

至心朝禮 金惠玄通天尊

至心朝禮 垂慈溥濟天尊

至心朝禮 洞暢高玄天尊

至心朝禮 長生萬善天尊

至心朝禮 真遊高上天尊

至心朝禮 法流遠洽天尊

至心朝禮 高德寶藏天尊

從此已上禮念天尊聖號乞懺某自從無始以來至於今日七祖九玄師資父母存亡二世一切眷屬僭僞上真之罪或不敬上天日月星辰之罪或不畏風雨雲霞雷電或贈對北斗不避諸天赤身裸體大小便利披頭飲食涕吐穢言戲笑哭泣種種非如是觸犯等罪無量無邊今日虔誠感乞懺悔次復回向
上元天界一切高真皈依神啟身啟命
大慈大悲無上天尊
至心朝禮 凝常轉命天尊
至心朝禮 玄德定願天尊

至心朝禮 總真應見天尊

至心朝禮 妙成圓行天尊

至心朝禮 龍德威嚴天尊

至心朝禮 高玄太素天尊

至心朝禮 靈真大帝天尊

至心朝禮 金資妙相天尊

至心朝禮 開明指要天尊

至心朝禮 無上最勝天尊

從此已上禮念天尊聖號乞懺某身中所為種種業障伏乞
無極大道太上三尊五老高真十華上帝日月星宿璇璣玉衡八十一天三十二帝三官九府四司三界魔王飛天大聖未來仙宰已往真官大慈大悲普濟普度恩波滌罪患澤除冤五道停酸三元集福功德滿德就與道合真一切有情齊登道岸
無上虛皇證真三寶
太上慈悲道場滅罪水懺卷上